

No. 651. 1377. 25. Juli.

Otto und Götz Schof und deren Mutter Jutta bekennen unter Benennung der Zinspflichtigen die in der vorhergehenden Urkunde von den Oberlehnsherren dem Capitel überwiesenen Zinsen an dasselbe verkauft und die Kaufsumme empfangen zu haben.

Wir Otte vnde Gocze gebrudere Scheffe genant vnde frowe Jutte ire müter, gesezsın czu Paserwicz^{a)} bekennen offinlichen an dysem geinwertigen briue vor vns, alle vnsere erben vnde nachkomelinge vnde tın kunt allen den dy disen brif sehen hören ader lesen, daz wir mit wolbedachtem müte vnde gutem vorrate vnsir fründe, sundirlichen durch vnsir bezserfinge willen verkoufft haben recht vnde redelichen vnde vorkouffin ouch mit gūten willen alle vnsir gūt in deme dorfe czu Pristenewicz, dar uffte gelegin sint drie schog vnde in dem dorff czu Bratirslen vier schillinge vf dem creczemer do selbins, allis gūtyr Vryberschir groschen, achte vnde czwenzig hūnre, alle iar uf send Mertins tag czu leisten vnde bezalne, drye schog vnde drie vnd fūmfzig eigir vf Ostern czu geben, alles rechtes ierliches czinses, gelegin in deme gerichte czu dem Hayn, in velde vnde in dorffen, mit schulchen fronen, dinsten, gerichtten, mit gewonheiten vnde gemeinlichen mit allen czugehörūngen, gesucht vnde vngesucht, wo die gelegin sint odir wie die namen gehaben mūgen, als wir die selbir herbracht haben vnde besezsın, den erbern herren, dem tumprobste, dem techande vnde dem capitel gemeyne der thumhern czu Misne, sundirlich an das gemeine almūsen alleine czu wendene vnde nirgint anders czu tūnde, vmbe acht vnde achzeig schog ouch gutir Friberschir groschin, der vns der erber herre her Palbertus von Mōlhusen senger der kirchen czu Mißne, als eyn getruwer selwarte des egnanten geldis gereit, nuczlich vnde czu male bezzalet hat, vnde haben das selbe gelt redelichen gewant in vnsern nūcz vnde fromen, vnde sagin in vnde das ganzze capitel der kirchen czu Misne der egnanten summen geldis quīt, ledig vnde lozs mit vrkunde diez briues. Ouch sullen wir daz capitel czu Mißne, nach dem alz im die eyginschaft geschen ist, der egnanten gūter vnde czinse geweren iar vnde tag, alz gemeinlich recht vnde gewonheit ist czu Misne in dem lande. Des egnanten zcinses sal ierlichen geben vnde zcinsen Hannūz Cluge von eynir hufen eyn halp schok groschin ane sechzen heller, vier hūnre vnde eyn halp schok eygir. Nycze Cūncze ouch alz vil von eynir hufen, Hannūz Boruz vnde Ticze von Būncz haben eyne hufe vnde geben ouch also vil alz dy erstin, Ticze Redirman vnde Hannus von Dere geben ouch also vil, Heyne Bōoler ouch also vil von eynir hufen; Hannus von Dere gibt czwelf groschen von eyner Grymmischir hufe; Hannus Bergman hat eyne halbe Grymmische hufe vnde gibt siben groschen drie heller, eyn hūn vnde acht eigir; Peter Scherf gibt fūmfczendenhalben grosschen von eyner Grimmischen hufen, czwei hūnre vnde eyn mandil eyger; Hannus von Dobirwicz gibt eyn vnde czwenzg heller ouch von dem selben gūte; Petir Trillis siben heller; Mertin Creczmer gibt vier schillinge groschen,

a) Basslitz, Par. Lenz.